

Mien - Longx Hnyouv Ging-Sou - Good Mind Scriptures

Lewi 24:12 Ninh mbuo ziouc zorqv naaiv dauh mienh kuonx jienv taux hiuv duqv
Ziouv oix ninh mbuo hnangv haaix nor zoux.

Nzamc Leiz-Latc 18:6 Se gorngv haaix dauh Lewi Mienh yiem I^saa^laa^en nyei
haaix norm zingh maaih hnyouv oix mingh Ziouv ginv wuov norm dorngx, sueih
ninh mingh yaac duqv.

Lu^te 1:18 Naa^o^mi buatc Lu^te liepc dingc hnyouv caux ninh mingh, ninh ziouc
dingh njiec, maiv kuinx ninh nzuonx.

1 Zunh Doic Douh 28:9 Yie nyei dorn, Saa^lo^morn aah! Meih oix zuqc nyiemc
meih nyei die nyei Tin-Hungh, longc nzengc hnyouv yaac buangv eix fu-sux
ninh. Weic zuqc Ziouv zaah mangc zuangx mienh nyei hnyouv yaac mengh
baeqc yietc zungv nyei za'eix caux hnamv nyei sic. Se gorngv meih lorz ninh,
ninh ziouc bun meih lorz duqv buatc. Se gorngv meih guangc ninh, ninh ziouc
yietc liuz guangc meih aqv.

Ne^haa^mi 4:6 Yie mbuo ziouc ceix zingh laatc faaux hlang, faaux taux duqv yietc
buonc weic zuqc baeqc fingx maaih hnyouv zoux gong.

Yopv 23:13 Tin-Hungh yietc liuz maiv goiv yienc. Maaih haaix dauh haih tiuv ninh
nyei za'eix? Ninh oix zoux nyei ninh ziouc zoux.

Cong-Mengh Waac 29:11 Mienh hngongx mienh bun ninh nyei ga'qiqex baetv cuotv
nzengc, mv baac cong-mengh mienh longc noic nyienz jienv.

I^saa^yaa 26:3 Liepc dingc hnyouv nyei mienh meih bun maaih baengh orn dunh
yunh nyei, weic zuqc ninh kaux meih.

Maako 5:15 Mingh taux Yesu wuov, ninh mbuo buatc zinh ndaangc zuqc guanh
mienh muoqv wuov laanh mienh zuqv jienv lui-houx zueiz jienv wuov, benx
mienh longx mienh aqv. Ninh mbuo ziouc gamh nziex haic.

Lugaa 8:35 Mienh haiz liuz naaiv deix sic, ziouc cuotv mingh mangc. Mingh taux
Yesu wuov, ninh mbuo buatc wuov dauh mienh zueiz jienv Yesu nyei zaux
ga'hlen, zuqv jienv lui-houx yaac nzang daaih aqv. Ninh mbuo ziouc gamh nziex
haic.

Gong-Zoh 17:11 Naaiv deix Yiutai Mienh gauh hnamv duqv nqoi wuov deix
Te^saa^lo^ni^gaa Mienh, weic zuqc ninh mbuo jorm hnyouv nyei muangx doz,
hnoi-hnoi zaah Ging-Sou mangc gaax Baulo nyei waac doix fai maiv doix.

Gong-Zoh 20:19 Yie nyiemc ganh zoux faix, yaac maaih wuom-mueic liouc jienv
fu-sux Ziouv yaac zuqc ziex nyungc kouv weic zuqc Yiutai Mienh daav za'eix
hoic yie.

Lomaa 7:25 Zongc zingh Tin-Hungh! Ninh bun mbuo nyei Ziouv Yesu Giduc njoux
cuotv yie. Wuov nyungc, yiem yie nyei hnyouv yie oix ei jienv Tin-Hungh nyei
leiz zoux. Mv baac yie ziux baamh mienh nyei hnyouv zoux, kungx gan bun yie
baamz zuiz wuov nyungc leiz hnangv.

Lomaa 8:6 Se gorngv bun baamh mienh nyei hnyouv gunv nor, zungv oix zuqc
daic. Mv baac Singx Lingh gunv nor, ziouc duqv ziangh maengc yaac duqv
baengh orn.

Lomaa 8:27 Tin-Hungh zaah mienh nyei hnyouv ziouc hiuv Singx Lingh nyei eix

leiz, weic zuqc Singx Lingh ei Tin-Hungh nyei za'eix tengx Tin-Hungh nyei baeqc fingx tov.

Lomaa 11:34 Hnangv Ging-Sou gorngv nor, "Haaix dauh hiuv duqv Ziouv nyei hnyouv? Haaix dauh hiah tengx ninh daav cuotv za'eix?"

Lomaa 12:2 Baamh mienh zoux sic maiv horpc Tin-Hungh, maiv dungx zuotc ninh mbuo nyei nyungc zoux. Mv baac oix zuqc bun Tin-Hungh goiv nzengc meih mbuo nyei hnyouv caux hnamv nyei jauv, duqv siang-nyungc zeiv. Hnangv naaic meih mbuo hiah hiuv duqv Tin-Hungh nyei za'eix, haaix nyungc se longx nyei, Tin-Hungh a'hneiv nyei, dunh yunh nyei za'eix.

Lomaa 12:16 Laanh oix zuqc caux laanh horpc fim dongh eix nyei yiem. Maiv dungx zoux maux. Oix zuqc a'hneiv caux mienh jomc mienh zoux doic. Maiv dungx ceng ganh maaih cong-mengh.

Lomaa 14:5 Maaih dauh funx maaih norm hnoi gauh longc jienv. Aengx maaih dauh funx hnoi-hnoi fih hnangv nyei. Gorqv-mienh oix zuqc ei gorqv-mienh nyei hnyouv dingc naaiv deix sic.

Lomaa 15:6 Meih mbuo ziouc dongh hnyouv dongh qie ceng mbuo Ziouv Yesu Giduc nyei Die, Tin-Hungh.

1 Ko^lin^to 1:10 Zuangx gorx-youz aac, yie dengv mbuo Ziouv Yesu Giduc nyei mbuox tov meih mbuo oix zuqc dongh joux waac gorngv. Maiv dungx bun nqoi zoux ziek guanh. Oix zuqc horpc fim dongh eix, dongh diuc hnyouv.

1 Ko^lin^to 2:16 Hnangv Ging-Sou gorngv nor, "Haaix dauh hiah hiuv duqv Ziouv nyei hnyouv? Haaix dauh hiah njaaux ninh?" Mv baac mbuo maaih Giduc nyei hnyouv.

2 Ko^lin^to 7:7 Yaac maiv zeiz ninh kungx daaih hnangv. Ninh yaac mbuox yie mbuo, meih mbuo hnangv haaix nor orn ninh nyei hnyouv. Ninh gorngv meih mbuo za'gengh oix buatc yie haic, meih mbuo nzauh haic, meih mbuo yaac jorm hnyouv yie, ziouc bun yie jaa orn-lorqc.

2 Ko^lin^to 8:12 Se gorngv meih mbuo maaih hnyouv zoux, Tin-Hungh ziouc a'hneiv zipv ziux meih mbuo maaih nyei, maiv zeiz ziux meih mbuo maaih.

2 Ko^lin^to 9:2 weic zuqc yie hiuv duqv meih mbuo zungv maaih hnyouv tengx. Yie ziouc ceng meih mbuo bun Maa^si^ndo^nie Mienh muangx. Yie mbuox ninh mbuo, Aa^kaa^yaa Saengv nyei mienh ba'hnyangx mbenc ziangx tengx aqv. Meih mbuo hnangv naaic jorm hnyouv ziouc dongz zuqc mienh camv maaih hnyouv oix caux jienv zoux.

2 Ko^lin^to 13:11 Setv mueiz yie aengx maaih deix waac. Zuangx gorx-youz aac, baengh orn nyei yiem oc. Oix zuqc zoux taux benx dunh yunh nyei mienh. Oix zuqc ei jienv yie kuinx nyei waac zoux. Oix zuqc horpc fim dongh eix, baengh orn nyei yiem. Hnamv mbuo yaac ceix baengh orn bun mbuo nyei Tin-Hungh ziouc caux meih mbuo yiem.

E^fe^so 4:23 Oix zuqc bun Tin-Hungh goiv meih mbuo nyei hnyouv, yienc meih mbuo nyei eix, benx siang nyei daaih.

Fi^lip^poi 2:2,3 tov bun yie njien-youh taux daauh. Meih mbuo oix zuqc dongh diuc hnyouv, laanh hnamv laanh, yaac oix zuqc horpc fim dongh eix. 3 Maiv dungx zoux haaix nyungc weic douh ganh duqv longx fai ceng ganh hlo. Oix

zuqc laanh caux laanh nyiemc zoux faix, funx mienh gauh longx ganh.
Fi^lipv^poi 4:2 Yie tov! Yu^o^ndie caux Sinx^ti^ke, meih mbuo i dauh oix zuqc kaux
Ziouv horpc fim dongh eix.
Fi^lipv^poi 4:7 Tin-Hungh nyei baengh orn, dongh baamh mienh zungv hnamv
maiv zaaic nyei baengh orn, ziouc beu jienv meih mbuo nyei hnyouv caux
hnamv nyei jauv, weic zuqc meih mbuo caux Giduc Yesu juangc maengc
ziangh.
Ko^lo^si 3:12 Tin-Hungh hnamv meih mbuo yaac ginv meih mbuo daaih benx ninh
ganh nyei cing-nzengc mienh. Weic naaiv meih mbuo oix zuqc maaih hnyouv
korv-lienh mienh, zoux longx bun mienh, nyiemc ganh zoux faix, suonc zingh
suonc eix yaac maaih noic diev.

2 Te^saa^lo^ni^gaa 2:2 Yie hnangv naaiv nor zoux weic tengx ninh mbuo zungx
qaqv, horpc fim dongh eix nyei laanh hnamv laanh, ziouc bun ninh mbuo haih
sienx dingc, za'gengh bieqc hnyouv nzengc, hiuv duqv Tin-Hungh bun
mbiaangx yaangh cuotv daaih nyei sic, se Giduc ganh.

2 Ti^mo^tai 1:7 Tin-Hungh ceix bun mbuo se maiv zeiz gamh nziex nyei hnyouv.
Ninh bun mbuo nyei hnyouv maaih qaqv, bun mbuo hnamv mienh, yaac haih
gunv duqv ganh.

Tidatc 2:6 Fih hnangv nyei, meih yaac oix zuqc kuinx hnyangx-jeiv lunx nyei
m'jangc dorn gunv duqv ganh.

Hipv^lu 8:10 Ziouv gorngv, 'Wuov deix hnoi-nyieqc jiez liuz, yie oix caux
I^saa^laa^en nyei zeiv-fun liepc jiez nyei ngaengc waac se hnangv naaiv. Yie
oix zorqv yie nyei leiz-latc fapv jienv ninh mbuo nyei mba'nziu-gorn, yaac fieb
jienv ninh mbuo nyei hnyouv gu'nyuoz. Yie ziouc zoux ninh mbuo nyei Tin-
Ungh, ninh mbuo yaac zoux yie nyei baeqc fingx.

1 Bide 1:13 Weic naaiv oix zuqc liuc leiz ziangx hnyouv, gunv jienv ganh, yaac
longc nzengc hnyouv hnamv Yesu Giduc aengx daaih wuov zanc ninh oix ceix
bun meih mbuo nyei en.

1 Bide 5:2 Yie kuinx meih mbuo goux longx Tin-Hungh bun meih mbuo goux wuov
guanh mienh hnangv goux ba'gi yungh mienh goux ninh mbuo nyei ba'gi yungh
nor. Oix zuqc buangv hnyouv goux, hnangv Tin-Hungh oix meih mbuo zoux nor,
maiv zeiz hnangv zuqc aapv jienv zoux. Yaac maiv dungx zoux weic douh duqv
nyaanh. Oix zuqc buangv hnyouv zoux.

2 Bide 3:1 Yie hnamv nyei gorx-youz aah! Ih zanc yie fieb bun meih mbuo naaiv
zeiv fiex se da'nyeic zeiv. Yie fieb naaiv deix i zeiv fiex weic tengx meih mbuo
iangx jienv ziouc dongz zuqc meih mbuo nyei hnyouv ziepc zuoqv nyei hnamv
taux naaiv deix jauv.

Laauc Yaangh 17:9 Naaiv deix sic se oix zuqc longc cong-mengh cingx hnamv
duqv mengh baeqc. Wuov deix siec norm m'nqorngv se dongh wuov dauh
m'sieqv dorn zueiz jienv wuov deix siec norm mbong.